

Minister di Energia Mike de Meza ta wak esaki como e direccion di e futuro

A tene groundbreaking di e Solar Car Park na Aeropuerto ayera

ORANJESTAD – Riba parkeerplaats di Aeropuerto Internacional Reina Beatrix, Gobierno di pais Aruba, hunto cu Utilities NV, como tambe Elmar, WEB y Triple A nv, a duna inicio na e proyecto combina cu sector priva, esta e parke solar cu lo genera energia por medio di rayonan solar.

FUTURO

Minister di Energia Mike de Meza a cuminsa na bisa cu esaki ta e direccion pa futuro ta e tipo di “Solar Car Park” di energia na aeropuerto. Pfixx Sol ta e compania cu ta bay construi e proyecto aki. E dia aki ta pa pone e prome piedra pa e parke di energia solar. E ta cuadra den e polisa di energia di Aruba, cu ta pa bira poco poco menos dependiente di energia fossil. Ta importante pa remarca cu e cooperacion di aeropuerto ta importante pa e proyecto aki por a tuma luga. Den nos edicion di mayan lo amplia mas riba e noticia aki. Mientrastanto riba e combinacion di potret por haya un impresion di e evento di ayera tardi. □



Momento cu ta bora den vloer pa oficialisa e groundbreaking.



Develo di e borchu cu ta presenta e proyecto.



Momento cu ta presenta e plannan di e proyecto.



Drpr. OJ Boekhoudt, Luis Oduber, R. Henriquez, R. Buckley.

